

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

Exegesis

[urn:nbn:de:bsz:31-122776](#)

bant illum perdere. Hæc est Diaboli tragœdia, quam à mundo condito semper egit, nimirum puros Doctores & confessores veritatis ferre non potest, sed excitat Tyrannos, qui sanguinaria adversus ipsos consilia non moliuntur tantum, sed etiam in effectum producunt quod à Patres ubi Diabolo didicerunt, qui homicida est ab initio, Iohan. 8.v. 44.

2. *Repressio mira.* Non enim inveniebant quid facerent, quia totus populus pendebat ab eo. Ita adhuc hodie Deus consilia hostiū

nostrorum dissipat, Ps. 33. v. 10. Job. 5. v. 12. ut meritò gloriari possimus cum Esa. c. 8. v. 9. 10. Consilium consultate &c dissipabitur, &c. & cum Ecclesia:

Gott Lob und Dank der nicht zugab/

Dass ihr Schlund uns möcht fangen.

Wie ein Vogel des Stricks kommt ab/

Ist unser Seel entgangen.

Strick ist entzwey/

Und wir sind frey/

Des Herren Namen steh uns bey/

Des Gottes Himmels und Erden.

## Dominica XI. post Trinitatis.

*Evangelium Luc. 18. v. 9. 14.*

Cum Abel & Cain sacrificia sua offerant Deo, hic de fructibus terræ, ille verò de primogenitis gregis sui, & de adipibus eorum, respexit Deus ad Abel & ad munera ejus, ad Cain verò & munera ejus non respexit, Gen. 4. v. 3. seqq. nimis Abel respiciebat semen mulieris benedictū, Christum Jesum, qui in plenitudine temporis homo fieri, & tanquam agnus Dei immaculatus pro totius mundi peccatis offerri debebat, cuius typi fuerunt postea omnia sacrificia Levitica, Eb. 9. & 10. hoc respectu dicitur de sacrificio Abeli, quod Deo gratum & acceptum fuerit, contra autem, quia Cain in opere operato confidebat, & hoc etiam absque fide sufficere putabat, sacrificium ipsius Deo placere non potuit. Nam oculi Dei respiciunt fidem, Jer. 5.v. 3. & quod ex fide non est, peccatum est, Rom. 14.v.23.

Pari modo in prælecta pericope Pharisæus & Publicanus in templum ascendunt, & preces suas offerunt. Sed dispari eventu. Quia enim Pharisæus in propriis meritis

confidebat, rejicitur Publicanus autem peccata sua agnoscens & ad misericordiam Dei confugiens justificatus abiit in domū suam.

Videbitus

I. *Precatorum differentiam.*

II. *Christi sententiam.*

J.J.

### EXEGESIS.

Sicut Abraham duos habebat filios, Ismaelem quem ex Agar ancilla & Isaacum quem ex Sara libera, juxta Dei promissionem suscepit, Gen. 16.v.16. & 21.v.3. Ita in Ecclesia sunt duo populi. Per Ismaelem denotatur populus legis, qui confidit in operibus & superbè despicit alios, sicut de Ismaele dicitur, quod fuerit derisor, Gen. 21. v. 9. Per Isaacum verò denotatur populus Evangelii, qui gratuitæ Dei promissioni innititur, & non confidit in propria justitia, sed in Dei misericordia, Deoque sinceram ex fide præstat obedientiam, sicut Isaacus Abrahamo, Gen. 22.v.9. seqq.

Exem-

Dominica XI. post Trinitatis.

232

Exemplum habemus in hodierno Evangelio, ubi Phariseus ex populo legis, Publicanus autem ex populo Evangelii diversitatem utriusq; Testamenti nobis adumbrat. Consideranda igitur nobis occurunt

1. *Parabola scopus*, qui contra Iustitarios directus est, qui confidunt se esse justos, id est, in propriis meritis fiduciam suam collocant, & proximum superciliosè contemnunt. Ubilitatem notamus, quod in propria non debeamus confidere iustitiam, quæ velut pannus menstruata coram Deo esse dicitur, Esa.64. vers.6. Sed qui gloriantur, in Christo glorietur, I. Cor.1.v.31 extra quem non est salus, Act.4.v.12.

2. *Precatorum numerus*. Nam duo ascendunt Pharisæus & Publicanus, qui Ecclesia nobis imaginem ob oculos ponunt, cui hypocrita semper admixti sunt, qui Deum profitentur eundem, idem templum visitant, eadem Sacraenta usurpant, sed corde diverso. Hinc Christus, non omnes inquit, qui dicunt mihi, Domine Domine, introibunt in regnum cœlorum, sed qui faciunt voluntatem patris mei, Matt.7.v.21. hypocrita exterius splendent fuso pietatis, 2.Tim.3. v.5. sed sponsa Christi ornatus est interior, Ps.45. v.14. Deus enim cor aspicit, 1.Sam.16. v.7. hoc si rectum non est, frustra Deo servitur Mat.15. v.9.

3. *Par conatus*. Nam templum ascendunt ut precarentur, inquit salvator. Ubi duplex finis innuitur, quem sibi duo hi, Phariseus & Publicanus, propositum habuerunt.

Prior est *Templi frequentatio*. Quia enim Deus memoriam nominis sui in templo Hierosolym. instituerat, Ex.20. v.24. & oracula reddebat ex propitiatorio super arcam foederis, Ex.25. vers.22. Israelitæ cultum Deo debitum præstituti templum ascende-

bant, vel saltē facie ad templum verâ orationem suam perficiebant, I. Reg.8.vers.48. Dan.6. v.10. in N.T. gratiola Dei præsentia non amplius ad certum locum alligata est, sed in spiritu & veritate ubique locorum Deum invocare licet, Johan.4.v.21.23. interim tamen certa loca habemus in quibus ad verbum audiendum, ad preces fundendas, & ad Sacraenta administranda convenimus, illorum frequentatio non debet haberi pro adiaphoro, sed pertinet ad observationem tertii præcepti. Lætemur igitur cum Davide quando nobis dicitur: in domum Dei ibimus, Ps.122. v.1. & hoc unicè requiramus, ut nobis inhabitare liceat in domo Domini omnibus diebus vita nostra, Ps.27. v.4.

Posterior est *proposita oratio*. Hanc enim uterque bonam intentionem habet, quod vult orationem suam ad Deum dirige. O quām necessaria est nobis hoc tempore oratio. Cur igitur non ascendimus cum hisce precatoribus horis consuetis? cur tam pigri & desides sumus in fundendis precibus? possumus quidem etiam domi orare in cubiculo nostro, Mat.6.v.6. interim preces publicæ sunt efficaciores, Mat.18.v.19. unde templa vocantur domus precationis, Es.56. v.7. in quibus Deus in specie exauditionem promisit, I. Reg.9.v.3.

4. *Dispar effectus*. Aliter orat Phariseus, aliter Publicanus. Phariseus contaminat orationem suam

1. *Vana confidentia*. Opera quæ jactat bona sunt, & nobis etiam imitanda. Raptor non est, sequamur: vñ enim qui spoliias, quoniam vicissim spoliaberis, El.33. v.1. Injustus non est, sequamur: Nam in iusti hereditatem Dei non possidebunt, I. Cor.6. v.9. Adulter non est, sequamur: Scortatores & adulteros enim judicabit Dominus, Eb.13. vers.4.

vers. 4. Jejunat bis in sabbatho, sequamur hanc temperantiam. Quamvis enim Deus cibos creavit, ad percipiendum, 1. Tim. 4. v. 3. & vinum ad lætitandum cor hominis, Psalm. 104. vers. 15. corpus tamen quandoque castigandum est, 1. Corinth. 9. vers. 27. ut sobrie vivamus, Tit. 2. vers. 12. ad preces, 1. Petr. 4. v. 8. & in jejunio humiliemus animam nostram, Psal. 35. vers. 13. Decimas dat de omnibus quæ possidet. Sequamur, has enim ordinavit Deus in usum ministrorum Ecclesiæ, Scholarum & pauperum Exod. 22. v. 29. 30. cap. 35. v. 35. Deut. 12. v. 11. 14. v. 23. fas igitur, ut qui altari assistunt, cum altari participent & qui Evangelium annunciant, ex Evangelio vivant, 1. Cor. 9. v. 7. seqq.

Hoc autem serio improbat, quod opera illa coram Deo ostentat, & se unum ex multis aliis justum existimat, quæ confidencia species quedam idolatriæ est, quâ cor nostrum, quod soli Deo adhærere deberet, à Deo avertitur, & scipsum commendat, hoc qui facit, probatus non est, 2. Cor. 10. v. 18. facienda sunt utique bona opera, sed non de illis gloriandum, nec coram Dei iudicio illis confidendum, quia immunda, imperfecta, Deo jam ante debita, Luc. 17. v. 10.

2. Proximi despiciētiā. Non sum sicut alii, inquit, aut etiam ut hic publicanus. Debebat ipsi res esse cum Deo, quem precibus compellabat, & quidem in summa animi reverentia & humilitate, ut Seraphim facies suas velant, El. 6. v. 2. sed proximum respicit & despicit, quem tanto virtutem splendore non videt coruscare, contra illud Sir. 8. v. 6.

Sed tu quis es, qui condemnas alienum famulum, Rom. 14. v. 4. potius si præoccupatus fuerit proximus in delicto aliquo, instaurare ipsum debemus spiritu mansuetudinis, Galat. 6. vers. 1. 2. 3. 4. ne dicatur nobis:

*teri sancti 6 despiciunt peccatum, nego se isti p̄f. d. polig cum paulo se reputant primi necessarii, 1. Tim. 1. 15. et p̄ minimis vitam sanctam Eph. 3. 8.*

Hypocrita ejice prius trabem ex oculo tuo, Lec. 6. v. 42.

Publicanum quod attinet, commendatur ille

1. à gestuum decentia: Nam

1. procul consistit, in loco nimis peccatorum, quis agnoscit turpitudinem suam, & ob hanc non audet proprius accedere, recordatus, quod peccata dividant inter Deum & homines, El. 59. vers. 2. Discamus ab ipso humilitatem, quæ orantibus valde necessaria est, Judith. 9. v. 15.

2. Oculos demittit. Hoc alterum contritionis signum est, tribuens sibi confusionem faciei, Dan. 9. v. 7. oculi enim sunt indices animi, ut inquit Comicus. Animus autem erat sauciatus variis peccatis, hinc pudor & confusio individuus comes penitentiae Rom. 6. v. 21. Expellat nobis hunc pudorem (1) peccati gravitas, est enim onus grave, quod creationem impedit, Luc. 13. v. 11. Psal. 38. v. 5. 7. (2) peccati foeditas El. 64. v. 6. quam sine pudore nemo intueri poterit, nisi meretriciam frontem habeat, Jerem. 3. v. 3. qui sibi ita displicet, Deo placet, qui oculos demittit, & iram Dei metuit, ad hunc ipse Deus oculos misericordia convertit, & ossa humiliata lætitiat, Psal. 51. v. 10.

3. Peccatum tundit, arguens hoc ipso, quod in peccatore latet, ut inquit Augustinus. Nam de corde exirent mala cogitationes, homicidia, adulteria, fornicationes, furtū, falsa testimonia, blasphemiae quibus homo polluit, Marth. 15. v. 19. Bona opera non habet, proinde offert Deo cor contritum & humiliatum, quod sacrificium ipsi perquam acceptum est, Pl. 51. v. 19. sequamur dilecti, & cordis nostri recessus coram Deo explicemus, ut penitentia nostra serua sit, & non fiat in hypocriti, Sir. 1. v. 34. seqq.

Gg  
*Pectoris lusionem o Romanis 8m. et Graecis,  
 d. et iudeis usitatam fuisse, patet ex  
 Nah. 11. 7. Luc. 24. III. 48.*

2. *Avera paenitentia*, quam probat

1. *Peccatorum agnitus*. Non uritur statu gloriationis ut Pharisæus, nec statu translationis, ut primi parentes, nec statu excusationis, ut Saulus, nec statu negationis ut Cain, nec statu desperationis, ut Iudas, sed statu depreciationis, & semiserum peccatum esse confitetur, iuxta illud 1. Joh. 1. v. 9. & Salomonis Prov. 28. v. 13.

2. *Seria contritio*, dum cor percutit, ut ante diëtum est. Ita nos quoque scindamus corda nostra, Joel. 2. vers. 13. & peccata cum Petro deploremus, Matt. 26. v. 75. quæ ita secundum Deum tristitia est, poenitentiam operatur in salutem, cuius neminem poenitentiat, 2. Cor. 7. v. 10.

3. *Gratia Dei apprehensio*. Hæc quasi anima est conversionis, sine qua contritus dolorem gignit ad mortem 2. Cor. 7. v. 10. Id circè non tantum pudore suffunditur hic publicanus ex agnitione peccatorum, sed & ad gratiam Dei confugit, quæ semper includit meritum filii, per quem nos sibi gratos fecit, Eph. 1. vers. 6. Hoc intendit per vocem ἡλόθητι, quā ιλασκέτοι respicit, quod Deus in Christo nobis proposuit per fidem in sanguine ejus, Rom. 3. v. 25.

Hæc sacra quasi anchora est, ad quam nos quoque confugere debemus, ne in peccatis desperemus, sed misericordiam consequamur, & gratiam inveniamus in auxilium opportunum, Eb. 4. v. 16.

4. *Via melioris ingressio*. Descendit enim non in telonium injustitiae & fraudum officinam, sed in suam domum, serviens impotestrum Deo in justitia & sanctitate, Luc. 1. v. 75. Ita nos quoque absoluti à peccatis caueamusne tursum implicemur, 2. Pet. 2. v. 20. sed declinemus à malo & faciamus bonum, Ps. 34. v. 15. militemus bonam militiam,

2. Tim. 4. v. 7. crucifigamus carnem, Gal. 5. v. 14. & in nova vita ambulemus, Romanor. 6. v. 4.

### De Secundo.

R Estat Christi sententia, cuius Evangelista subjugit

1. *Pronunciationem*. Nam publicanus dicitur justificatus descendisse in domum suam præ Pharisæo. Si Ethnicis sapientibus veletiam nobis ipsis Christianis ex sensu nostro hic Pharisæus judicandus fuisse, utique præ publicano palmam justitiae ipsi tribuimus. Nam homo aspicit, quæ sunt præ oculis, 1. Sam. 16. v. 7. sed Christus non secundum visionem oculorum, neq; secundum auditum aurium suarum judicat, Isa. 11. v. 3. sed cor, 1. Samuel. 16. vers. 7. & fidem respicit, Jerem. 5. v. 3. vide igitur quid facias hypocrita, certè hunc judicem fallere non poteris, qui non tantum externa dicta & facta novit omnia, sed etiam corda scrutatur, Actor. 1. vers. 24. renes probat, Jerem. 17. vers. 10. & novit quid sit in homine, Joh. 2. vers. 25.

2. *Instant rationem*, quam proverbiali apophthegmati Christus includit: Qui se extollit, inquit, humiliabitur, & qui se humiliat, extollebitur. Prius membrum ad Pharisæum, posterius verò ad Publicanum referri debet.

Nos probè notemus hanc Christi censuram, ut superbiam cane pejus & angue detestemur, & contra humilitati studeamus. Nam Deus resistit superbis, humilibus autem dat gratiam. Humiliamini igitur sub potentia manu Dei, ut vos extollat suo tempore, 1. Petr. 5. vers. 6.

D O-